



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o davanju saglasnosti na Pravilnik o vlastitim prihodima Grada Sarajeva
(Prijedlog)

Predlagač: Gradonačelnica
Obradivač: Gradska služba finansija

Sarajevo, novembar 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka b) Statuta Grada Sarajeva i člana 9. stav (2) Pravilnika o vrstama vlastitih javnih prihoda u Federaciji Bosne i Hercegovine („Službene novine Federacije BiH“, broj 104/22), Gradsko vijeće Grada Sarajeva, na __. sjednici održanoj dana __. __. 2023. godine, donijelo je:

(Prijedlog)

**Odluku
o davanju saglasnosti na Pravilnik o vlastitim prihodima Grada Sarajeva**

Član 1.

Ovom odlukom daje se saglasnost na Pravilnik o vlastitim prihodima Grada Sarajeva, broj 06-11-7624/23 od 22.11.2023. godine.

Član 2.

Odluka stupa na snagu danom donošenja, a objavit će se u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Jasmin Ademović

Broj:
Sarajevo, __. __. 2023. godine

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 31. stav (1) tačka b) Statuta Grada Sarajeva kojim je, između ostalog, propisano da Gradsko vijeće donosi odluke, druge propise i opće akte i daje njihovo tumačenje, kao i u članu 9. stav (2) Pravilnika o vrstama vlastitih javnih prihoda u Federaciji Bosne i Hercegovine („Službene novine Federacije BiH“, broj 104/22) kojim je propisano da na Pravilnik o vrstama vlastitih javnih prihoda u Federaciji Bosne i Hercegovine saglasnost daje Vlada Federacije BiH, vlade kantona te općinska/gradska vijeća, svako u okviru svoje nadležnosti.

RAZLOZI DONOŠENJA

Na osnovu člana 79. Statuta Grada Sarajeva („Službene novine Kantona Sarajevo“, broj 7/23), člana 15. Odluke o organizaciji i djelokrugu organa uprave Grada Sarajeva („Službene novine Kantona Sarajevo“, br. 24/21 i 16/22) i člana 37. Odluke o platama i naknadama u organima Grada Sarajeva („Službene novine Kantona Sarajevo“, br. 38/17 i 7/22), gradonačelnica Grada Sarajeva donijela je Rješenje o imenovanju Komisije za izradu Pravilnika o vlastitim prihodima Grada Sarajeva, broj 01/14-04-6686/23 od 09.10.2023. godine. Zadatak naprijed navedene Komisije bila je izrada navedenog Pravilnika, odnosno vrstama vlastitih javnih prihoda, namjeni i načinu trošenja vlastitih javnih prihoda Grada Sarajeva. Shodno tome, imenovana Komisija pristupila je izradi Prijedloga Pravilnika o vlastitim prihodima Grada Sarajeva i isti dostavila gradonačelnici Grada Sarajeva na daljnje postupanje.

Slijedom naprijed navedenog, prevashodno postupajući u skladu sa pozitivnim zakonskim propisima, općim i pojedinačnim aktima, Pravilnik o vlastitim prihodima Grada Sarajeva dostavljen je Gradskom vijeću Grada Sarajeva radi davanja saglasnosti na isti.

FINANSIJSKA SREDSTVA

Za realizaciju ove odluke nisu potrebna finansijska sredstva u Budžetu Grada Sarajeva.



Na osnovu člana 9. Pravilnika o vrstama vlastitih javnih prihoda u Federaciji Bosne i Hercegovine („Službene novine Federacije BiH“ broj: 104/22) i na osnovu člana 79. Statuta Grada Sarajeva („Službene novine Kantona Sarajevo“ broj: 7/23) gradonačelnica Grada Sarajeva donosi:

PRAVILNIK O VLASTITIM PRIHODIMA GRADA SARAJEVA

I OSNOVNE ODREDBE I VRSTE VLASTITIH JAVNIH PRIHODA

Član 1.

(Predmet)

Ovim Pravilnikom propisuju se vrste vlastitih javnih prihoda, namjena i način trošenja vlastitih javnih prihoda Grada Sarajeva.

Član 2.

(Subjekt primjene)

Odredbe ovog Pravilnika odnose se na Grad Sarajevo kao jedinicu lokalne samouprave.

Član 3.

(Kriteriji)

- (1) Kriteriji za utvrđivanje vlastitih javnih prihoda su da:
- prihod ne spada, u smislu ovog pravilnika, u kategoriju poreza, doprinosa, taksi, naknada i kazni;
 - prihod nije kao javni prihod propisan posebnom odredbom u zakonu;
 - prihod se ostvaruje obavljanjem aktivnosti na tržištu i u tržišnim uslovima od strane Grada Sarajeva, za aktivnosti koje mogu obavljati i drugi pravni subjekti na tržištu (ne postoji isključivost za obavljanje aktivnosti), s tim da je ta aktivnost izvan propisom utvrđene osnovne djelatnosti uređene pozitivnim materijalnim propisima o utvrđivanju djelokruga rada Grada Sarajeva.
- (2) Kriterij iz stava (1) tačke a), b) i c) ovog člana primjenjuju se na kumulativnoj osnovi za utvrđivanje vlastitih javnih prihoda Grada Sarajeva.
- (3) Pored prihoda navedenih u stavu (1) ovog člana prihodom se smatraju i prihodi koje može ostvarivati isključivo Grad Sarajevo kao jedinica lokalne samouprave a koji proizilaze iz nadležnosti Grada Sarajeva.

Član 4.

(Vrste vlastitih javnih prihoda)

Javni prihodi smatraju se vlastitim javnim prihodima ukoliko zadovoljavaju kriterije iz člana 2. ovog Pravilnika, a odnose se na:



- a) prihode od iznajmljivanja zemljišta;
- b) prihode od iznajmljivanja poslovnih prostora;
- c) prihode od iznajmljivanja stambenih prostora;
- d) prihode od iznajmljivanja drugih nepokretnosti;
- e) prihode od upotrebe imena Grada Sarajeva;
- f) prihode za korištenje priobalnog pojasa uređenih vodotoka na području Grada Sarajeva;
- g) ostale neplanirane javne prihode.

II NAMJENA I NAČIN TROŠENJA VLASTITIH JAVNIH PRIHODA

Član 4.

(Planiranje i raspolaganje vlastitim javnim prihodima)

- (1) Planiranje i raspolaganje vlastitim javnim prihodima, kao i nadzor nad istim vrši se u skladu sa Zakonom o budžetima u Federaciji Bosne i Hercegovine („Službene novine Federacije BiH“, broj: 12/13,9/14,13/14,8/15, 102/15,104/16, 5/18, 11/19, 99/19 i 25a/22), Odlukom o izvršavanju Budžeta Grada Sarajeva („Službene novine Kantona Sarajevo“, broj: 2/23) , te propisima koji uređuju računovodstvene politike za budžetske korisnike, propisima koji uređuju način plaćanja i trošenja vlastitih javnih prihoda Grada Sarajeva i ovim Pravilnikom.
- (2) Vlastiti javni prihodi moraju biti planirani u budžetu Grada Sarajeva.
- (3) Prikupljeni vlastiti javni prihodi koristit će se za pokriće rashoda planiranih u budžetu Grada Sarajeva.

Član 5.

(Uplata vlastitih javnih prihoda)

- (1) Vlastiti javni prihodi Grada Sarajeva uplaćuju se na depozitni račun Grada Sarajeva (vrsta prihoda u zavisnosti o kojoj vrsti vlastitog javnog prihoda se radi, a sve u skladu sa Pravilnikom o knjigovodstvu budžeta u Federaciji BiH („Službene novine Federacije BiH“, broj: 60/14) i Pravilnikom o načinu uplate, pripadnosti i raspodjele javnih prihoda u Federaciji BiH („Službene novine Federacije BiH“, broj: 54/20, 55/22-isp, 63/20, 88/20, 28/21, 56/21, 83/21, 1/22, 34/22, 57/22, 76/22, 93/22 i 94/22)).
- (2) Visina vlastitih javnih prihoda se određuje aktima Grada Sarajeva a za svaki pojedinačni prihod uz prethodno pribavljeno mišljenje Gradskog pravobranilaštva, te saglasnost Gradskog vijeća Grada Sarajeva za prihode koji se odnose iznajmljivanje i prodaju imovine Grada Sarajeva.

III ZAVRŠNE ODREDBE

Član 6.

(Stupanje na snagu)

Pravilnik stupa na snagu danom davanja saglasnosti od strane Gradskog vijeća Grada Sarajeva.

GRADONAČELNICA

Broj:06-11-7624/23
Sarajevo, 22.11.2023.

Prof. dr. Benjamina Karić